



La Val mëss dlotì na pordüda antia cuntra le Niededorf. N grüm de ocapiuns por l ladins, l'avarsar é indere plö efiziënt sön püces y mët insciö al sigü la devënta.

Tla partida sogada sōla plaza dal palê dl Niederdorf imblagnada dala plöia s'á i ghesc ladins indurmedi ia gran pêrt dl pröm y dl secundo tēmp. L'agressivité, les combinaziuns y les ocajiuns garatades ti ultims vint menüc de de trami l tēmpc ne á nia basté a recuperé i dui goi subís.

Atira dal mēteman é i padruns de ciasa che dēteia le ritm de jüch. Le pilaster amesa le ciamp Bachmann fej jüch cun de bugn movimēnc y partēsc fora pai por de continuité ales aziuns aversares. Te chisc pröms trēnta menüc de fraziun se stēnta La Val cotan a tigní le palê y fa jüch, mo defēnn deperpo bun y tēgn insciö bót a les infiltraziuns di atacanc. Dal atra pêrt ne mess le verdaporta nia se destrá por tigní sō val trata debila di ladins dal limit dl'area.

Ala mesora ciafa i sogadus plö coraje y se fej inant cun de vigni sort de combinaziuns. Al 30[^] é le atacant Alexander M. che vega n stach de cé sön na crossada dl defensur Werner, le curan röia de püch sura porta fora. Püc menüc plö tert é le sogadú a mezcamp Stefan che se fej lerch al limit y prô la trata a bót sigü tl'incrujiada de porta, le stach imprescionant dl verdaporta garetá y deviēia insciö te ciantun. Ti ultims menüc dl pröm tēmp vēgn l'area aversara dominada dal druch ladin, plö trates dal ciantun y dal limit mēt in prigo la defenjiun y le verdaporta, che mēss se destrá dan pé de porta al ater por defanté le curan. A architē la presciun ladina é le arbiter cun le sciür dla fin dl pröm tēmp che pēnsa.

Le pröm tēmp se stlütj jö sön le 0 a 0

scomenciamēnt dla secunda fraziun ne pormēt nia bun por i ladins. I sogadus dl Niederdorf fej dassēnn presciun sön i portadûs dl palê y pó sorví i atacanc por la contlujun. Avisá insciö röia al 54[^] l'atacant sú dan le portier Sepl, denant co porvé la trata vēgn chēsc ultim contrasté dal defensur. Por chēsc fal conzed l'arbiter atira le önescmetri che vēgn trasformé dal capitan.

Le radopl rôia tosc al 65[^] cun na diatenziun anter la defenjiun y le mezciamp, le sogadú asvelt fej presciun sön le defensur da La Val y prô le palonët da ciantun de area sura le portier ite che ti garetta ince. Na duscia frëida por La Val, che chiri cun vigni meso le pêr. Do chisc pêr mumënc de deblëza dla ne é i pustri nia plö prigorusc, ai se stlÿj ia dedô a defënn le resultat cina la fin. Cun l'inserimënt de n atacant respogn La Val al jüch aversar. Cun presciun rüven indô a fa tramuré le mür defensif, al vëgn conzedü tröp ai atacanc ladins, che davagna val puniziun dal limit y n grüm de trates dal ciantun. A püc menüc dala fin é le nü sogadú Franz T. che taia la defenjiun por se prejenté sú dan le numer un mo ne vega nia la trata porvan le dribbling, che ne garetta nia. A trá sön porta é ince ciamó Max Nagler che prô, in chësc iade é la stangia de porta che tegn sö le curan y le fej devié te ciantun. Nia da nen fa, le mür defensif psuter vëgn premié cun le sciür dl arbiter che fej ruvé insciö nonanta menüc. Sot la plöia mëss i ladins sun jí derevers cuntra ciasa lascian cun incherscimun i trëi punc ai aversars.

Niederdorf – La Val : 2 - 0

Formaziun La Val: 1. Sepl Kantioler, 2. Luca Pescollderung, 3. Werner Sottara (dal 49[^] Egon Frenes), 4. Paolo Vallazza, 5. Marco Castlunger, 6. Freddy Sottara (dal 65[^] Felix Nagler), 7. Max Nagler, 8. Stefan Sottara - capitan, 9. Adrian Miribung (dal 50[^] Franz Tolpeit), 10. Alex Elzenbaumer, 11. Alexander Miribung

In mercui ai 09 de setëmber dales 20:00 süga La Val la partida de retüda de Copa Provinzia cuntra le Dientenheim. La partida de andata é gnüda davagnada dai ladins por 2-0 .

Proscima partida de campionat: en domënia ai 13 de setëmber dales 15:30 te ciasa cuntra le Dientenheim

Insëra, mercuri ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.